

ČLANICAMA UDRUŽENJA POSLODAVACA FEDERACIJE BOSNE I HERCEGOVINE

Poštovani,

Nakon što smo dobili upite od nekolicine naših članica, želimo Vas obavijestiti da smo odlučili pokrenuti akciju kojom Vas i Vašu kompaniju pozivamo da se izjasnite da li ste spremni uzeti učešće u akciji za doniranje sredstava za nabavku vakcina protiv COVID-19, namijenjenih za vakcinisanje Vaših radnika i stanovništva u lokalnim zajednicama u kojima djelujete.

Naime, pojedine naše članice su izrazile spremnost da doniraju sredstva za nabavku vakcina, uz uvjet da dio vakcina bude iskorišten za vakcinaciju njihovih radnika, a ostatak vakcina koje su spremni nabaviti da se ustupi lokalnim zajednicama u kojima ove kompanije djeluju.

U skladu sa njihovim zahtjevima, kontaktirali smo kabinet premijera Federacije Bosne i Hercegovine, Ministarstvo zdravstva FBiH te Federalni zavod za javno zdravstvo kako bi se ova akcija provodila u koordinaciji sa nadležnim federalnim i kantonalnim institucijama. Odgovoreno nam je da je inicijativa zanimljiva, a za njenu realizaciju je neophodno da raspolažu informacijom o kompanijama koje su se spremne uključiti i u ovu akciju i količini vakcina koja bi po osnovu ove aktivnosti trebala biti nabavljena.

Pozivamo Vašu cijenjenu kompaniju da se uključi u ovu aktivnost na način da nam prijavite interes Vaše kompanije za nabavku vakcina, sa brojem vakcina za koje želite donirati sredstva, uz napomenu da bi dio bio namijenjen vakcinisanju Vaših uposlenika, a drugi (minimalno 50 posto od ukupnog broja vakcina za koji želite dati sredstva) stanovništva na području lokalne zajednice na kojoj Vaša kompanija djeluje.

Cijena jedne vakcine je oko 100 KM. Nabavka vakcina bi išla isključivo preko distributera ovlaštenih od strane Vlade FBiH. Posao skladištenja vakcina i raspored vakcinisanja bi se provodio preko nadležnih zavoda za javno zdravstvo.



Osim općedruštvene koristi za stanovništvo države, ova aktivnost bi imala pozitivne efekte i na poslovanje, jer je cijena bolovanja svakog zaraženog radnika daleko veća od cijene vakcine.

Molimo da potvrdite interes za aktivno učešće u akciji doniranja sredstava za nabavku vakcina protiv COVID-19, sa tačno navedenim brojem vakcina namijenjenih za vakcinisanje vaših uposlenika i stanovništva lokalne zajednice u kojoj djelujete te iznos sredstava koje planirate donirati pismeno prijavite putem e-maila Udruženja poslodavaca FBiH: info@upfbih.ba Facebook stranice Udruženja poslodavaca FBiH, Instagram profila UPFBiH [@upfbih](https://www.instagram.com/upfbih).

Ukoliko bude iskazan značajniji interes kompanija, onda bi se sa nadležnim institucijama Federacije BiH i kantona krenulo u realizaciju ove aktivnosti.

Nadamo se da ćete dati svoj doprinos u okviru mogućnosti Vaše kompanije kako bi smo se uspješnije suprotstavili pandemiji COVID-19 i zaustavljanju njenog širenja.

Srdačno Vas pozdravljamo,

Sarajevo, 13.3.2021.

DIREKTOR

Mladen Pandurević



UDRUŽENJE
POSLODAVACA

www.upfbih.ba

Udruženje poslodavaca u Federaciji BiH

Mula Mustafe Bašeskije 12/3, 71000 Sarajevo - Bosna i Hercegovina

Tel: +387 33 264 830 / Tel/fax: +387 33 552 461 / info@upfbih.ba